



National Agricultural Research Institute

Yu ken kisim dispela liklik buk long:

Infomesen senta
Nesenel Agrikalsa Risets Institiut
Laifstok Risets Progrem
PO Box 1639
LAE 411
Morobe Provins
Telepon: (675) 475 1066/475 1248
Fex: (675) 475 1248
Email: pikah@global.net.pg

Wei bilong abrusim marit namel long ol abus igat wanpela blut



NARI TOKTOK
LAB 008(P)

Febuari 2003

**WE BILONG ABRUSIM MARIT
NAMEL LONG OL ANIMEL IGAT
WANPELA BLUT TASOL
(INBRIDING)**

Wonem samting em inbriding?

Long tokples bilong ol wait man, inbriding em i olsem paol marit namel long ol wan blut o insait long famili yet. Papa i maritim pikinini meri, pikinini man i kisim mama, susa i maritim brata, kandere man i maritim kandere meri. Ol animel bilong yu i save mekim dispela kain paol marit namel long ol yet sapos yu no lukluk gut long ol. Dispela kain marit bek namel long ol animel bilong yu i no gutpela. Olsem ol man i save tok bulut bilong pikinini bai ino gat strong. Sapos dispela kain marit i kamap insait long liklik lain bilong animel long longpela taim, dispela blut insait long pikinini bai i slek na slek olgeta.

Sapos yu laik save moa long dispela samting orait yu ken go lukim ol wokman bilong NARI yet o DAL opisa o NGO wokmanmeri clostu long yu. Wok bilong ol em long halivim yumi ol fama.

Long ol kakaruk dispela kain senis i mas kamap long olgeta sixpela (6) mun, long ol pik na sipsip i mas kamap long olgeta wanpela (1) na i go long tupela (2) mun na cau em faivpela (5) igo long sixpela (6) mun olgeta.

Narapela kain gutpela wei em, fama i ken baim ol nupela bridging animel gen long ol narapela fama sopos em i lukim olsem ol animel bilong em i gat dispela kain asua pasin. Em i moa beta sopos yu baim ol animel i gat wan kain krismas bilong ol olsem ol animel bilong yu yet. O sopos yu laik sukurim yet long lukautim ol animel bilong yu orait moa beta yu mas traim long abrusim dispela kain pasin namel long ol animel bilong yu.

Em bai i no gat strong bilong sakim ol bikpela sik nogut. Olsem na ol pikinini i kamap long dispela kain marit, ol ino gat strong na planti i save dai.

Dispela piksa i soim man rebit i maritim meri rebit bilong narapela fama. Dispela em i wanpela wei bilong abrusim asua bilong dispela kain paol marit.



Asua bilong dispela kain marit.

Ol animal bilong yu bai ino inap karim gut ol planti gutpela pikinini. Ol animel bai bun slek na bai ol i lus weit na tu bai ol i lusim strong bilong ol long winim big pela sik o hotpela day na ol nogut kaikai.

Ol dispela kain asua i save kamap insait long yumi ol man tu. Olsem na ol papamama bilong yumi i save korosim yumi ol pikinini sopus yumi mekim dispela kain pasin.

Bai yu abrusim dispela kain paol pasin olsem wonem?

Insait na namel long ol bikpela lain o grup bilong ol animel, ol asua bilong dispela kain paol marit namel long ol animel ino save bikpela tumas. Long dispela kain bikpela grup o lain animel, ol namba bilong ol meri i bikpela moa long ol namba bilong ol man. Olsem na bai yu lukim olsem, ol namba bilong ol man i wanpela bikpela samting we yu mas lukluk long en. Ol asua bilong dispela kain marit bai i liklik sopus you gat namba olsem eit (8) o moa man i stap wantaim ol bikpela namba bilong ol meri long wanpela taim.

Wanpela gutpela wei long abrusim dispela kain paol pasin em, yu mas kisim ol meri i go na maritim wantaim man animel bilong narapela fama. Ol fama i ken senis long ol animel bilong ol wantaim ol narapela fama insait long wanpela taim, we ol nupela nupela lain pikinini bai senisim ol mama na papa bilong ol.

Picture i soim tupela ostralop kakaruk insait lo banis. Papamama bilong tupela ino wankain.

